



KOORDINACIONI ODBOR VRHOVNIH INSTITUCIJA ZA REVIZIJU
KOORDINACIJSKI ODBOR VRHOVNIH INSTITUCIJA ZA REVIZIJU
КООРДИНАЦИОНИ ОДБОР ВРХОВНИХ ИНСТИТУЦИЈА ЗА РЕВИЗИЈУ

IZVJEŠTAJ O AKTIVNOSTIMA

**KOORDINACIONOG ODBORA VRHOVNIH INSTITUCIJA ZA REVIZIJU
ZA 2019. GODINU**

Januar 2020. godine

IZVJEŠTAJ O AKTIVNOSTIMA

KOORDINACIONOG ODBORA VRHOVNIH INSTITUCIJA ZA REVIZIJU

ZA 2019. GODINU

1. Nadležnosti i aktivnosti Koordinacionog odbora vrhovnih institucija za reviziju

Koordinacioni odbor vrhovnih institucija za reviziju (u daljnjem tekstu: Koordinacioni odbor) tokom 2019. godine nastavio je s poslovima iz svojih nadležnosti¹. Dajući prednost strateškim ciljevima i prioritetima sadržanim u Smjernicama za aktivnosti Koordinacionog odbora vrhovnih institucija za reviziju, broj: 06-50-1-8-1/13 od 17.10.2013. godine, Koordinacioni odbor nastavio je sa aktivnostima na:

- Podrški osiguravanju nezavisnosti VRI
- Implementaciji ISSAI okvira
- Podrški izgradnji kapaciteta VRI
- Demonstriranju vrijednosti i koristi od VRI
- Pomovisanju prevencije korupcije, te
- Unapređenju komunikacije sa članicama INTOSAI-a.

¹ Nadležnosti Koordinacionog odbora su:

a) uspostavljanje konzistentnih vodiča i uputstava zasnovanih na INTOSAI revizionim standardima;
b) razmjena profesionalnih iskustava i težnja ka osiguranju konzistentnog kvaliteta revizije;
c) organizacija i koordinacija razvojnih aktivnosti sva tri ureda za reviziju;
d) dodjeljivanje revizorske odgovornosti za zajedničke aktivnosti;
e) određivanje zastupanja u međunarodnim tijelima.

2. Okvir aktivnosti i razvoja Koordinacionog odbora vrhovnih institucija za reviziju

Koordinacioni odbor nastavio je vršiti aktivnosti u skladu s usvojenim Strateškim okvirom razvoja 2013-2020. godine, kao svojevrsnoj osnovi prepoznavanja razvojnih potreba, te su informacije o napretku u konkretnim oblastima razmijenjene u smislu da su iskustva pojedinačnih vrhovnih revizionih institucija u BiH iskorištena za detaljno razrađivanje vlastitih strategija razvoja u kojima su detaljnije obrazložene razvojne potrebe.

U svom radu i u okviru uloge Koordinacionoga odbora kao kohezivnog faktora u razvoju VRI, Koordinacioni odbor je ostao fokusiran na aktivnostima zasnovanim na preporukama iz Izvještaja SIGMA-e o kolegijalnom pregledu vrhovnih revizionih institucija u BiH 2012. godine, datim u namjeri da se revizionim institucijama pomogne u razvoju, u pravcu potpuno djelotvornih vrhovnih revizionih institucija, u skladu sa međunarodnim standardima i dobrom evropskom praksom.

Strateški okvir razvoja, kao dokument koji je usvojen posredstvom Koordinacionog odbora, predstavlja dokument putem kojeg se usmjerava razvoj vrhovnih revizionih institucija u Bosni i Hercegovini, u skladu sa međunarodno priznatim standardima i najboljim praksama u Evropskoj uniji.

Vrijednosti, ujednačeni pristupi i prioriteti u ovom procesu će stvoriti najbolje preduslove za suočavanje s izazovima i osiguranje dodatne vrijednosti javnom upravljanju i za građane Bosne i Hercegovine.

Strateški pravci sadržani u Strateškom okviru razvoja zasnivaju se na dodijeljenom mandatu i zakonskim rješenjima, evaluaciji potreba pojedinačnih vrhovnih revizionih institucija u BiH, preporukama ekspertnog tima SIGMA-e iz Izvještaja o kolegijalnom pregledu vrhovnih revizionih institucija u BiH (Peer Review), kao i na međunarodnim profesionalnim zahtjevima zasnovanim na principima iz deklaracija i zaključcima usvojenim na kongresima Međunarodne organizacije vrhovnih institucija za reviziju (INCOSAI).

3. Radne grupe Koordinacionog odbora vrhovnih institucija za reviziju

Tokom 2019. godine, Koordinacioni odbor vrhovnih institucija za reviziju podržao je rad radnih grupa Koordinacionog odbora, u smislu njegovog daljeg unapređivanja i jačanja saradnje revizionih institucija u BiH.

Koordinacioni odbor uspostavio je punu suradnju stalnih i pridružene članice Odbora, te je među uredima za reviziju nastavljena komunikacija koja se odnosila na: primjenu smjernica u radu revizionih institucija; kandidiranje tema za provođenje zajedničkih obuka na nivou svih revizionih institucija u BiH.

Diskusije tokom rada Koordinacionoga odbora ukazivale su i na moguće načine poboljšanja u metodologiji rada Koordinacionoga odbora, čijom primjenom bi se unaprijedio njegov rad, a samim tim i rad revizionih institucija.

4. Strategija za borbu protiv korupcije 2015-2019. godine

U vezi sa Strategijom za borbu protiv korupcije 2015-2019. godine i Akcionim planom za provedbu strategije za borbu protiv korupcije 2015-2019. godine Koordinacioni odbor je ostao na tragu zaključka koji se tiče zaštite i daljeg osnaživanja pozicije vrhovnih revizionih institucija u BiH.

5. Sjednice Koordinacionog odbora vrhovnih institucija za reviziju

Koordinacioni odbor je tokom 2019. godine nastavio sa održavanjem sjednica, u Sarajevu, sjedištu Ureda za reviziju institucija BiH, ispunjavajući tako svoju standardnu ulogu koordiniranja aktivnosti ureda za reviziju u Bosni i Hercegovini, a zaključci sa sastanaka, u skladu s višegodišnjom praksi, redovno su dostavljani svim uredima koji sudjeluju u radu Koordinacionoga odbora.

5.1. Redovne sjednice

Tokom 2019. godine, Koordinacioni odbor je održao 4 redovne sjednice, koje su, između ostalog, rezultirale sljedećim značajnim aktivnostima:

- Aktivnosti za izvršenje novog kolegijalnog pregleda (Peer Reviewa) od strane SIGMA-e – kao nezavisne profesionalne procjene rada institucija za reviziju u BiH, s obzirom da su, tokom sedam godina proteklih od kolegijalnog pregleda iz 2012.

godine, uslijedile značajne promjene, koje se, između ostalog, odnose na promjene nastale u međunarodnim standardima, te standardima za provođenje kolegijalnog pregleda. Kao obuhvat kolegijalnog pregleda određeno je sedam oblasti i to: nezavisnost i zakonski okvir, rukovođenje i planiranje, ljudski resursi i profesionalni razvoj, upravljanje neljudskim resursima, proces i kvalitet revizije, odnosi s vanjskim akterima, te postizanje rezultata. Predloženim oblastima obuhvaćena su sva pitanja bitna za stvaranje osnova za daljnje unapređenje rada institucija revizije u BiH.

U okviru kolegijalnog pregleda/profesionalne ocjene rada institucija za reviziju u BiH, SIGMA je realizovala misije/posjete na terenu:

1. Misija održana 20. do 24. maja 2019 – Ured za reviziju institucija BiH i Ured za reviziju institucija u FBiH
2. Misija održana od 3. do 7. juna 2019 – Glavna služba za reviziju javnog sektora RS
3. Misija 1. i 2. jula – Ured za reviziju javnog sektora i institucija Brčko distrikta BiH, od 3. do 5. jula 2019 - Ured za reviziju institucija BiH i Ured za reviziju institucija u FBiH

Prvi nacrt Izvještaja o kolegijalnom pregledu bit će dostupan početkom marta 2020. godine.

- Izrada i distribucija članovima KO nacrta odluka o formiranju radnih grupa KO za finansijsku reviziju, reviziju učinka i kontrolu kvaliteta
- Zajedničke edukacije revizora četiriju VRI: zajednička edukacija revizora iz sve četiri vrhovne institucije za reviziju, u Etno-selu Stanišići kod Bijeljine, 22.2.2019. godine

Cilj zajedničkih edukacija je razmjene znanja, iskustava i informacija, kako bi se osigurao jedinstven pristup reviziji javnog sektora u cijeloj BiH u skladu sa profesionalnim standardima.

Kao podlogu za razmjenu iskustava kolege iz VRIBD prezentirale su sljedeće teme:

1. Uloga i značaj preporuka revizije
 2. Uticaj datih preporuka iz revizorskih izvještaja na data mišljenja
 3. Implementacija, odnosno razlozi zbog koji se ne implementiraju date preporuke iz revizorskih izvještaja od strane subjekata revizije.
- Učešće predstavnika VRI na 3. EUROSAL-ASOSAL konferenciji, održanoj u Izraelu, od 10. do 14.3.2019. godine, na temu „Novonastala pitanja i vanredne situacije“.

Na konferenciji, koja je održana u Van-Leer institutu u Jerusalemu učestvovali su 21 šef vrhovnih revizijskih institucija (VRI), te više od 130 delegata iz 43 VRI iz Evrope i Azije, uključujući i Generalni sekretarijat INTOSAL-ja, koji su uzeli aktivno učešće na predmetnoj konferenciji, što je dalo dodatnu sadržajnost u

sagledavanju tema. Održana su predavanja na teme: "Izazovi globalne ekonomije koju pokreće tehnologija", „Doprinos VRI u ostvarivanju ciljeva održivog razvoja (SDG)", „Priprema za cyber vanredne situacije", „Državno upravljanje vanrednim situacijama", „Sudske funkcije u VRI", „Suočavanje sa novim problemima – vladine inicijative za stimulisanje inovacija", te „Mega trendovi 21. vijeka".

- Učešće predstavnika VRI na XXIII kongresu Međunarodne organizacije vrhovnih revizionih institucija, održanom u Moskvi, u periodu od 25. do 28. 9. 2019. godine. Na Kongresu su usvojeni izvještaji generalnih sekretara radnih grupa za strateška pitanja INTOSAI-a, te predstavljen proces prevođenja Međunarodnih standarda vrhovnih revizijskih institucija u novi okvir IFPP - INTOSAI Framework of Professional Pronouncements.

Kongres je okončan usvajanjem Moskovske deklaracije koja adresira pitanja od značaja za status nezavisnosti i nadležnosti VRI, kao i rezultate diskusije po dvjema osnovnim temama Kongresa – korištenje IT u svrhu razvoja javne uprave, te uloga VRI u postavljanju prioriteta i ciljeva održivog razvoja.

- Učešće predstavnika VRI na 4. sastanku Pododbora za ekonomska i finansijska pitanja i statistiku, u razdoblju od 19. do 20.11.2019. godine u Briselu

Nakon sastanka Pododbora za ekonomska i finansijska pitanja i statistiku, Direkcija za evropske integracije Bosne i Hercegovine dostavila je dokument Evropske komisije, koji – između ostalog – sadrži preporuke za oblast vanjske revizije javnog sektora u BiH, kako slijedi.

1. Treba osigurati budžetsku nezavisnost državnih institucija za reviziju na svim nivoima vlasti.
2. Komisija potiče blagovremenu i sistematsku provedbu preporuka u pogledu vanjske revizije na državnom i entitetskom nivou, te u Brčko Distriktu.

U vezi sa *follow-up* aktivnostima, Evropskoj komisiji potrebno je dostaviti informacije u pisanoj formi o predmetu koji je pokrenula vrhovna institucija za reviziju Federacije Bosne i Hercegovine u vezi sa mogućim neopravdanim miješanjem u finansijsku nezavisnost vrhovne institucije za reviziju, te informacije za sve nivoe vlasti o tome na koji način se budžetska nezavisnost provodi u praksi.

- Učešće predstavnika VRI na regionalnoj radionici o saradnji parlamenata i VRI, održanoj u periodu od 12. do 14.11.2019. godine, u Podgorici. Kao rezultat regionalne radionice, organizator - Svjetska banka učesnicima radionice dostavio je dokument pod nazivom „Smjernice za izradu memoranduma o razumijevanju između parlamenata i VRI Zapadnog Balkana".
- Učešće predstavnika VRIFBiH na Kongresu EURORAI u Linzu, te prihvatanje VRIFBiH uloge domaćina EURORAI događaja u septembru 2020. godine.


5.2. Elektronske sjednice

Koordinacioni odbor održao je i dvije elektronske sjednicu zbog potrebe odlučivanja o aktivnostima na provedbi kolegijalnog pregleda u VRI u BiH (Peer Review), te o Nacrtu Odluke o načinu financiranja Koordinacionog odbora vrhovnih institucija za reviziju za 2020. godinu.

6. Finansiranje Koordinacionog odbora vrhovnih institucija za reviziju

Finansiranje Koordinacionoga odbora tokom 2019. godine vršeno je na istim osnovama kao i prethodne godine, o čemu je sačinjena Odluka o finansiranju Koordinacionog odbora za 2019. godinu.

Broj: 09-50-1-25/20
Sarajevo, 31.12.20



**ZAMJENIK GENERALNOG
REVIZORA UREDA ZA
REVIZIJU INSTITUCIJA BIH**

Jasmin Pilica